




ხაშურის მთაშვე



№17 (98)

2 მაისი, სამშაბათი, 2017 წელი

26 აპრილს, დიმიტრი ყიფიანის სახლ-მუზეუმში დიდი სტუმრიანობით აღინიშნა მისი 206 წლის იუბილე. ტრადიცია, რომელიც 2003 წლიდან მომდინარეობს, ყოველწლიურად უფრო მეტ სტუმარს ითვლის-იმ ადამიანებს, რომლებმაც თავიანთი მოღვაწეობით პატივი მიაგეს დიმიტრი ყიფიანს და ქართული საზოგადოებისთვის უფრო ახლობელი გახადეს მისი პიროვნული ბუნება, ცხოვრება და მოღვაწეობა.

ლონისძიების ორგანიზებაში ერთიანად ჩაერთვნენ მუნიციპალიტეტის გამგეობა, განათლების, კულტურის, სპორტის სამსახური და, რა თქმა უნდა, ქვიშხეთის დიმიტრი ყიფიანის სახლ-მუზეუმი, რომელმაც ერთგვარი მასპინძლობა იკისრა. ღონისძიებას სტუმრობდნენ ადგილობრივი თვითმმართველობის წარმომადგენლები, პროფესორები, მკვლევარები, მწერლები, დიმიტრი ყიფიანის შთამომავლები, რომელთათვისაც განსაკუთრებული მნიშვნელობის მატარებელი იყო ეს დღე. ღონისძიება ხაშურის მხარეთმცოდნეობის მუზეუმიდან დაიწყო, სადაც საქართველოს სხვადასხვა რეგიონიდან მოწვეულმა სტუმრებმა დაათვალიერეს ხაშურელი მხატვრის გელა გელაშვილის გამოფენა. მეორე ნაწილი უკვე ქვიშხეთში, დიმიტრი ყიფიანის სახლ-მუზეუმის ეზოში გაგრძელდა, სადაც გაიმართა კონცერტი ადგილობრივი შემსრულებლების მონაწილეობით, სტუმრებმა ისაუბრეს დიმიტრი ყიფიანის ღვაწლსა და დამსახურებაზე საქართველოს, ქართული საზოგადოების წინაშე, მისი პიროვნების მიშენელობაზე. კონცერტის დასრულების შემდეგ, სტუმრებმა უკვე სახლ-მუზეუმში გადაინაცვლეს, სადაც დაათვალიერეს უნიკალური ექსპონატები, რომლებიც დიმიტრი ყიფიანის ცხოვრებას და მოღვაწეობას ასახავს.

თამარ მიქაძე (დიმიტრი ყიფიანის შთამომავალი):

—ძალიან დიდი პასუხისმგებლობაა იყო დიმიტრი ყიფიანის შთამომავალი. რა თქმა უნდა, დღევანდელი დღეც მნიშვნელოვანია არა მარტო რაიონისთვის, არამედ მთელი საქართველოსთვის, ჩვენი ოჯახისთვის, პირადად ჩემთვის. ძალიან ბედნიერი ვარ, რომ დიმიტრი ყიფიანის სხენების დღე ასეთი სითბოთი და ყურადღებით

აღინიშნება რაიონში, განსაკუთრებით ბოლო წლებში. ჩვენი დიდი ხნის ოცნებაა, რომ სახლ-მუზეუმს რესტავრაცია ჩაუტადეს. მაშინ ყველა პირობა შეიქმნება იმისთვის, რომ ეს ადგილი კულტურის დიდ კერად იქცეს, როგორც ეს დიმიტრი ყიფიანის დროს იყო.

რევაზ ნოზაძე (დიმიტრი ყიფიანის სახლ-მუზეუმის დირექტორი):
—2003 წლიდან თითქმის ყოველწლიურად აღინიშნავთ დიმიტრი ყიფიანის დაბადების დღეს. მანამდე სარესტავრაციო იყო შენობა, მუზეუმის თანამშრომლების ძალებით აღდგა საგამოფენო დარბაზის სამხრეთ ნაწილი, სადაც დიმიტრი ყიფიანის მემორიალური დაფა და საგამოფენო ნივთები მოვათავსეთ. 2003 წელს უკვე დამთვალიერებლებიც მივიღეთ და ამ დღესაც აღინიშნავთ. დღეს მისი დაბადებიდან 206 წელი შესრულდა.



რაიონის ხელმძღვანელობის ხელშეწყობით, მალე დაიწყება სახლ-მუზეუმის სარეაბილიტაციო სამუშაოები. წელს, შემოდგომით, სრულდება დიმიტრი ყიფიანის გარდაცვალების 130, ხოლო მისი წმინდანად შერაცხვის 10 წლისთავი.

აღინიშნა დიდი მამუდიშვილის დაბადებიდან 206 წლისთავი

წელს, განსაკუთრებული სტუმრიანობაა. მოწვეული გვყავს მისი შთამომავალი, ქნ-ი თამარ მიქაძე, მამა მალხაზი (ყიფიანი), იგი მოძღვარია დიმიტრი ყიფიანის სახელობის ტაძრის, რომელიც ერთი წლის წინ გაიხსნა თბილისში. ამავე დროს, ლიტერატურის მუზეუმიდან გვყავს კოლეგები,

მკვლევარები, თამაზ ჯოლოგუა, რომელმაც 10 ტომეული მიუძღვნა მის მოღვაწეობას და ცხოვრებას. აკაკი წერეთლის მუზეუმის მეცნიერ-მუშაკები, საგურამოს მუზეუმის დირექტორი. ადგილობრივი შემსრულებლები. ვგებავთ სხვადასხვა აქტივობებს, რომლებიც სამომავლოდ კულტურის კერად აქცევს დიმიტრი ყიფიანის სახლ-მუზეუმს.

თამაზ ჯოლოგუა (პროფესორი):

—თუ გავითვალისწინებთ იმას, რომ დიმიტრი ყიფიანი არის ერთ-ერთი ცენტრალური ფიგურა, XIX საუკუნის განმავლობაში, ყველაფერი, რაც მის სახელს უკავშირდება, არის ძალიან საინტერესო და მნიშვნელოვანი. შესაბამისად, ეს დღე, რომელიც ყოველწლიურად აღინიშნება, არის მნიშვნელოვანი მოვლენა. ეს არის ეროვნული მნიშვნელობის. თუ რამე უნდა ვისწავლოთ ჩვენ დიმიტრი ყიფიანისაგან, ეს არის მომავლისა და საკუთარი ძალების რწმენა და იმედი იმისა, რომ ყველაფერი კარგად იქნება, იმიტომ, რომ დიმიტრი ყიფიანი მიიხრევადა ასე და სინამდვილეშიც ეს ასეა. საზოგადოებას, რომელსაც არა აქვს საკუთარი ძალების რწმენა, მომავლის პერსპექტივის განცდა, იმ საზოგადოებას არა აქვს მომავალი.

ვაჟა შუბითიძე (ხაშურის მუნიციპალიტეტის საკრებულოს თავმჯდომარე):



—დღევანდელი დღე თუნდაც იმიტომაცა მნიშვნელოვანი, რომ სიტყვა იქცა საქმედ და ჩვენ შეგვიძლია თავი მოვიწონოთ იმით, რომ გამოყოფილია თანხა, რომლითაც მოხდება სახლ-მუზეუმის სრული რეაბილიტაცია. აქ მოეწეობა უნიკალური მუზეუმი თავისი საკონფერენციო დარბაზით და იქნება არანაკლები მნიშვნელობის, ვიდრე წინანდალი ან საგურამო. აქ იქნება ერთგვარი სავანე ქართული

(დასასრული II გვერდზე)

ხაშურის მუნიციპალიტეტის გამგებლის ბრძანება

№ 1683/
20 აპრილი, 2017 წ.

ხაშურის მუნიციპალიტეტის გამგეობის იურიდიული უზრუნველყოფის სამსახურის უფროსის თანამდებობაზე დავით ღვალაძის დანიშვნის შესახებ

საქართველოს ორგანული კანონის "ადგილობრივი თვითმმართველობის კოდექსის" 54-ე მუხლის პირველი პუნქტის

„ა.გ“ ქვეპუნქტის, 61-ე მუხლის მე-3 პუნქტის „ა“ ქვეპუნქტის და დავით ღვალაძის 2017 წლის 19 აპრილის N1890 განცხადების საფუძველზე

ვ ბ რ ძ ა ნ ე ბ :
1. ხაშურის მუნიციპალიტეტის გამგეობის იურიდიული უზრუნველყოფის სამსახურის უფროსის თანამდებობაზე დანიშნოს დავით ღვალაძე 2017 წლის 20 აპრილიდან;

2. ბრძანება ეცნობოს დავით ღვალაძეს;

3. ბრძანება ეცნობოს: ხაშურის მუნიციპალიტეტის გამგეობის ადმინისტრაციულ, იურიდიული უზრუნველყოფის და საბიუჯეტო სამსახურებს;


4. ბრძანება შეიძლება გასაჩივრდეს დაინტერესებული პირის მიერ დადგენილი წესით ხაშურის რაიონულ

სასამართლოში(ქ. ხაშური კოსტავას ქ. N15) ერთი თვის ვადაში.

გამგებელი გიორგი გურასპაშვილი

დავით ღვალაძე დაიბადა 1973 წელს, 1990 წელს დაამთავრა ხაშურის რკინიგზის №4 საშუალო სკოლა, იმავე წელს ჩააბარა

თბილისის ივ. ჯავახიშვილის სახელმწიფო უნივერსიტეტის იურიდიულ ფაკულტეტზე, 1996 წელს დაამთავრა აღნიშნული ფაკულტეტის სრული კურსი. 1997-2006 წლებში მუშაობდა სახელმწიფო უშიშროების სამინისტროს სხვადასხვა დანაყოფებში, გამომძიებლის და ოპერატიული თანამშრომლის თანამდებობებზე, 2006-2009 წლებში- შსს სპეციალური ოპერატიული დეპარტამენტის განსაკუთრებით მნიშვნელოვან საქმეთა გამომძიებლის თანამდებობაზე, 2009-12 წლებში მუშაობდა შსს სასაზღვრო პოლიციის №2 სამმართველოს უფროსის მოადგილედ, 2014-17 წლებში- საქართველოს ადვოკატთა ასოციაციაში ადვოკატად, ხოლო 2017 წლის 20 აპრილიდან დაინიშნა ხაშურის მუნიციპალიტეტის გამგეობის იურიდიული სამსახურის უფროსად. 1994-96 წლებში გაიარა სამხედრო სავალდებულო სამსახური და არის ომისა და სამხედრო ძალების ვეტერანი (მონაწილეობდა ქვეყნის ტერიტორიული მთლიანობისთვის წარმოებულ საომარ ქმედებებში), ჰყავს მეუღლე და ორი შვილი.



აღინიშნა დიდი მამუდიშვილის დაბადებიდან 206 წლისთავი

სხვადასხვა ქანრის წიგნები დაიწვება, რომელიც ადგილობრივი ბიუჯეტისა და რეგიონებში განსახორციელებული პროექტების ფონდის თანადაფინანსებით მოხდება. პროექტი 2018 წელს დასრულდება, მისი ბიუჯეტი 887 000

(დასასრული)

კულტურის, ცენტრალურ რეგიონში, სადაც ქართული მწერლობის სული ტრიალებს. მნიშვნელოვანია, რომ ეს თანხა სიმბოლურად არის გამოყოფილი



ცენტრალური ბიუჯეტიდან და მომავალ წელს ეს პრობლემა უკვე მოგვარებული იქნება.

ღონისძიებას შემოუერთდნენ პროექტ "ცოცხალი წიგნების" წარმომადგენლები, პოეტები, მწერლები, რომლებმაც საკუთარი და სხვა მწერლების,

ნინო გუგუშაშვილი (მწერალი, პოეტი)

-კულტურის სამინისტრო ახორციელებს პროექტს "ცოცხალი წიგნები", პროექტის ავტორია ქეთევან ღუმბაძე-მწერლები, პოეტები, ავტორები ჩავლივართ სხვადასხვა რეგიონში, ვხვდებით ნებისმიერი ასაკის მკითხველს, ჩავვაქვს წიგნები საჩუქრად, ვუწევთ ქართულ ლიტერატურას პოპულარიზაციას. დღევანდელი დღე ჩვენთვისაც მნიშვნელოვანია, ჩვენც ჩავერთვებით ჩვენი პოეზიით და შემოქმედებით.

ღონისძიების ბოლოს, პედაგოგიურ მეცნიერებასა და პუბლიცისტიკაში შეტანილი განსაკუთრებული წვლილისათვის, დიმიტრი ყიფიანის სახელობის მედალი გადაეცა ჩვენს თანამემამულე ზურაბ ცუცქირიძეს.

აღსანიშნავია ისიც, რომ დიმიტრი ყიფიანის სახლ-მუზეუმის რეაბილიტაცია, უახლოეს ხანებში



ლარია.

თ. ჯავახიშვილი

სურათზე: (მარცხნივ): ასეთი იქნება დ. ყიფიანის სახლ-მუზეუმი რესტავრაციის შემდეგ.

ღიჯვის საედიხოს საჩუქარი - ხაშურის კიდე ვერთი დასასვენებელი ჰარკი შეემაცება

29 აპრილს, ხაშურის მუნიციპალიტეტში, მთელი რიგი ღონისძიებები გაიმართა. ნაყოფიერი დღის დასაწყისი, ყოფილი აგურის ქარხნის ტერიტორიის დასუფთავების აქცია გახლდათ. ჩვენს მკითხველს ახსოვს, გასულ თვეს, ღიჯვის სრულყოფილებიანმა და საგანგებო ელჩმა გიედრიუს პოუჯუნასმა, ხაშურის მუნიციპალიტეტის გამგებელთან ერთად, აღნიშნული ტერიტორია დაათვალიერა, გადაწყდა, რომ დაიწყებოდა დასასვენებელი პარკის მშენებლობა, რომელიც მთლიანად ღიჯვის მხარის ფინანსური მხარდაჭერით და ასევე, ხაშურის მუნიციპალიტეტის გამგეობის თანადგომით განხორციელდება. შესაბამისად, იმდღევანდელი აქტივობა, ამ უდიდესი პროექტის სრულყოფის საქმეში პირველი გადადგმული ნაბიჯი იყო. დასუფთავების აქციაში მონაწილეობდა თავად ბატონი ელჩი გიედრიუს პოუჯუნასი, საქართველოში ღიჯვის საელჩოს თანამშრომლებთან ერთად, ხაშურის მუნიციპალიტეტის გამგებელი გიორგი გურასპაშვილი ოჯახთან ერთად. საქართველოს პარლამენტის წევრი, ხაშურის მაჟორიტარი დეპუტატი სიმონ ნოზაძე, ბიუროს წარმომადგენლებთან ერთად, შიდა ქართლში სახელმწიფო რწმუნებულ-გუბერნატორის პირველი მოადგილე იოსებ ოქრომელიძე და სამხარეო ადმინისტრაციის თანამშრომლები, ხაშურის მუნიციპალიტეტის გამგეობისა და საკრებულოს, ხაშურის მუნიციპალიტეტის ა(ა)იპების წარმომადგენლები, ძალები არ დაიშურეს ტერიტორიის მიმდებარე მცხოვრებმა მოსახლეობამ და მათაც დიდი წილი შეიტანეს აღნიშნულ აქციაში.



(დასასრული IV გვერდზე)

(დასასრული. დასაწყისი იხ. „ხაშურის მოამბე №16)

25 წელი გავიდა ისე, რომ სოსო აღარ მინახავს. 1926 წელს მაცნობებს, რომ სოსოს ჩემი ნახვა უნდოდა, როცა მივედი ხაშურის სადგურზე. დავინახე მატარებელში, მომესალმა, მაგრამ ხელი ჩამომართვა და მითხრა – სერგოს არ იცნობო? ამ დროს სერგო ორჯონიკიძე გამიჩინა და სოსოს შევეკითხა: - ეს არის ის ამხანაგი, რომელზედაც წუხელ მელაპარაკებდით?

1933 წელს აღმანას „კრიტიკაში“ გამოქვეყნდა შოთა ლეკიშვილის საინტერესო მოგონება - „დაუფიქრებელი ამბავი“, რომელშიც ავტორი მოგვითხრობს 30-იანი წლების დასაწყისში, თუ როგორ მოახერხა პეტრე კაპანაძემ მოაწმინდაზე ილია ჭავჭავაძის საფლავის გადარჩენა.

შ. ლეკიშვილი წერს: 1933 წელი იგადა. მე თბილისში, მახარაძის ქუჩა №12-ში მცხოვრები ახალგაზრდა ბიჭი, ხშირად ავიდიოდი მოაწმინდაზე და ვათვალიერებდი ჩვენი ცნობილი მწერლების საფლავებს. ყოველთვის პირველად დიდი ილია ჭავჭავაძის საფლავთან მივიდიოდი ხოლმე; იმიტომ, რომ გულზე მაწვა მისი მკვლელობის ამბავი! აპრილის თვე იყო, ძალზე კარგი ამინდი, ავედი მოაწმინდაზე და ილიას საფლავთან მივედი. ვნახე, რომ ილიას საფლავთან - ხუთი მუშა კაცი იჯდა წერაქვებით და ბარ-ნინებებით შეიარაღებულნი. ძალზე არ მესიამოვნა ეს ამბავი და ვკითხე მათ ბრიგადირს „რატომ ხიხარ, ბიბიკო, ამ საფლავთან მეთქი! მან ხმამაღლა მიპასუხა: „ჩემი სიკვდილისთვის ვიზიარ შეილოვო! დავაღებული გვაქვს, ილიას აქედან ამოღება და კუკიის სასაფლაოზე გადატანა: მე ქართველი კაცი ვარ და ვერ ვინებლებ ამ ამბავსო!“ ტანში ურუნდებდა დამიარა და ამ კაცის სიტყვებმა მომცა საშუალება მომელონებია და მეთქვა ტყვილი: ბიბიკო, ეს ამბავი გაუგია პეტრე კაპანაძეს, იმ პეტრეს, რომელიც იხ-ახავა და იფარავდა სტალინს, არალეგარული მუშაობის დროს და წასულა მოსკოვში, რომ თხოვოს სტალინს ხელი არ ახლონ ილია ჭავჭავაძის საფლავს. ამიტომ დავუცადოთ, რას იტყვის სტალინი-მეთქი. შენი ოჯახი აშენდეს ბიბიკოვო, მითხრა ბრიგადირმა, მე ხელს არ და მუშებს უკან წავიყვან, მხოლოდ შენ ეს ამბავი უნდა მოახსენო ქალაქის საბჭოს აღმასკომის სამშენებლო განყოფილებას, რომელმაც მე აქ გამოგზავნაო. მე იმ წუთშივე გავიქეცი აღმასკომში და ყველაფერი დაწერილებით მოვახსენე სამშენებლო განყოფილების უფროსს (გვარი არ ჩამიწერია მისი). უფროსმა მითხრა ალა-ილი იყოს ის ქართველი დედის ძეძუ შენზე, რომელიც გიწოვიაო... მხოლოდ ამ ხმებს ნუ გაავრცელებ ქალაქში... მე რა დამაძინებს იმ დამეს, როცა ილიას საფლავი არ გვექნება მოაწმინდაზე: ასე მითხრა იმ კუთილშობილმა ქართველმა კაცმა. მე დიდი მადლობა გადაგიხადე და წავედი სახლში.

სახლში რომ მივედი, ვისაიდლო და ჭამის დროს ვფიქრობდი, როგორ მენახა პეტრე კაპანაძე. ხალხის გადმოცემიდან ვიცოდი, რომ ის ცხოვრობდა ხაშურში. მეორე დღიას ადრე ავდექი, მივედი თბილისის რკინიგზის სადგურში, ჩავჯექი ბათუმში მიმავალ მატარებელში, დილის 11-30 საათზე ჩავვედი ხაშურში. იქაურ ადამიანებს ვკითხე პეტრე კაპანაძის მისამართი. ერთმა ხანშიშესულმა ქალმა მითხრა მისამართი, თან გამომეყვა და თითო მანქანა ეზო და სახლი. მე დიდი მოკრძალებით შევედი შეუღობავ ეზოში და დავდექი სახლის ახლოს. რამდენიმე წუთის შემდეგ, სახლიდან გამოვიდა ხანშიშესული კაცი და მკითხა, ვინ გენებავო, შეილოვო! მე ვუთხარი პეტრე კაპანაძე ბატონო - მეთქი! გავდიხა და მითხრა, პეტრე კაპანაძე მე ვარ, შეილო, მაგრამ ბატონის თქმა რომ აკრძალულია ჩვენში, ეს ხომ იცო! ახლა კი მითხარი რა გენებავო: მე მოვეუკევი ყველაფერი ილია ჭავჭავაძის საფლავის ირგვლივ და მისი ცხედრის



გადარჩენის შესახებ კუკიის სასაფლაოზე და ისიც ვუთხარი, რომ ხმა დავყარე თითქოს წასული ხართ მოსკოვში სტალინთან საკითხის მოსაგვარებლად-მეთქი. პეტრე კაპანაძე, ცუდ ხასიათზე დავა და ასე მითხრა, ბიჭო! რა კეთილი ოჯახის შვილი და დიდი ილიას მოყვარული ბიჭი ყოფილხარ, შენ დიდხანს უნდა იცოცხლოვო; მე, შეილო, მაინც მივედიარ მოსკოვში, სტალინის დეპუტა და წერილი ხელთა მაქვს, მაგრამ რაკი საქმე ასეა, ხვალეუ გავემზავრებო მატარებლით და სტალინს ყველაფერს ვეტყვიო-ილიას საფლავის ხელუხლებლობის შესახებ და იმასაც ვეტყვი, რომ ეს ამბავი მომიტანა სრულიად საიდუმლოდ ერთმა ახალგაზრდა ბიჭმა შოთა ლეკიშვილმა, რომელიც დარაჯობს ილიას საფლავს-მეთქი.

მე, შეილო, სასულიერო წოდების კაცი ვარ, ყოფილი მღვდელი, სპეციალობით პედაგოგი მასწავლებელი და მიყვარს ის ახალგაზრდები, რომლებიც ასე იცავენ თავის მწერლებს, თავის მოღვაწეებს და თავის ერსო! (თუმცა დღევანდელ პირობებში ერის დაცვაზე ვერაფერს იტყვიო...) ხომ ხედავ, როგორ ამუშავებენ ერის მამას ილია ჭავჭავაძეს და საფლავშია ადარ აყენებენო...

მაშ ასე, შეილო, მე წავედი მოსკოვში და ვფიქრობ, კარგ ამბავს ჩამოგიტანო. ჩემს სიხარულს საზღვარი არ ჰქონდა, ისე გამოვეშვიდობე პეტრე კაპანაძეს და წამოვედი თბილისში. ორიოდე კვირის შემდეგ, ქალაქის საბჭოს აღმასკომის სამშენებლო განყოფილებაში შევიარე, კარები რომ შევადე ხმამაღალი ლაპარაკი მომესმო-ილია ჭავჭავაძის საფლავის ირგვლივ ვიდაც სიხარულით ამბობდა პეტრე კაპანაძის ჩასვლას მოსკოვში უქმად არ ჩაუვლია, სასწრაფო განკარგულებაა, ხელი არ ახლოთ ილიას საფლავსო.

სახლში რომ წამოვედი ჩემს სიხარულს საზღვარი არ ჰქონდა. მეორე დღესვე ვეწვიე პეტრე კაპანაძეს ხაშურში. კარზე რომ ჩემი თითები ახმაურდა, მაშინვე გაიღო კარი და პეტრე კაპანაძემ მინ შემიპატიჟა. „ხალაში“ სამი ადამიანი იჯდა, ორი კაცი და ერთი ქალი. პეტრემ მათ ხელგამლით უთხრა, მოვიდა ილია ჭავჭავაძის საფლავის დარაჯიო, ისინი ფეხზე წამოდგნენ, ხელი ჩამომართვეს და ასე მითხრეს, იმრავლოს შენისთანა ქართველებო.

გაიმართა საუბარი, პეტრემ მოკვდა მოსკოვში მოგზაურობის ამბავი, და თქვა: სტალინთან რომ შევედი, ორი კაცი ჰყავდა კაბინეტში, სტალინი ფეხზე წამოდგა, ხელი ჩამომართვა და მითხრა, დაბრძანდითო, იმ ორ კაცს კი, უთხრა, ეხლა ჩვენ ამ ახალ სტუმართან ქართულად გვექნება საუბარი და თქვენ შეგიძლიათ, დაგვტოვოთ... ისინი აღდგნენ და წავიდნენ.

მე ჩვეულებრივად მოუყევი ჩემი ცხოვრების ამბავი, მეორე საქართველოს ამბები, და ძალზე გულდასაწყობად ვუთხარი ილიას საფლავის ხელუხლების შესახებ. რა მოხდაო, საფლავს რაღას ერჩიანო, მითხრა სტალინმა, აიღო ტელეფონი და დარეკა თბილისში, იმ დროს სხვა ტელეფონები აწკრიადნენ და ვის დაურეკა, არ ვიცი. მე კი ასე მითხრა, ჩემო პეტრე, თქვენ შეგიძლიათ, დამშვიდდეთ. ილიას საფლავს კაცი ხელს ვერ ახლებსო. მას ბევრი ლაპარაკი არ უყვარდა, ამით დამთავრდა ყველაფერი, მე დიდი მადლობა მოვახსენე და სამი დღის შემდეგ წამოვედი მოსკოვიდან. აი, ჩვენი ბიჭო, შენს დარაჯობას უქმად არ ჩაუვლიაო... ამიტომ მე შენ მოგცემ სტალინის ხელით დაწერილ წერილს და მის გამოგზავნილ დეპუტას, რომელიც უკვდავი საბუთი იქნება იმისა, რომ შენ ჩემთან დადიოდი, ეს წერილი და დეპუტა შენს უჯრაში იდოსო!

მე სიხარულით გამოვართვი წერილი და დეპუტა. მადლობა მოვახსენე და წამოვედი.

თუ როგორი ურთიერთობა ჰქონდათ იოსებ სტალინსა და პეტრე კაპანაძეს, ამის შესახებ უნდა მოვიხილოთ პეტრეს კიდევ ერთი მოგონება, რომელიც 1936 წლის ზაფხულში იმყოფებოდა ბელადთან:

„1936 წელს, 20 ივნისს, მოსკოვში ჩავედი. სერგო ორჯონიკიძემ გაიღო ჩემი მოსკოვში ყოფნა. ამხ. სერგოს ჩემი იქ ყოფნის ამბავი გადაეცა ამხანაგ სტალინსათვის. მას ეთქვა, რატომ არ წამოიყვანე? 25 ივნისს მოსკოვის დასათვალიერებლად გავიარე. სწორედ ამ დროს გამოგზავნა სერგოს ჩემთვის მანქანა წასაყვანად. მე არ დავხვდი. როდესაც მოვედი ეს ამბავი დამახვედრეს-მეწყინა.

4 ივლისს მოვიდა ამხანაგი სტალინის გამოგზავნილი კაცი (ჩემი სიძის და შვილის მისამართი სცოდნოდათ) გაიგო, რომ ჯერ ისევ მოსკოვში ვიმყოფებოდი, და მითხრა –

არსად წახვიდე, მოველენ და ამხანაგ სტალინთან წავიყვანებო. ძალიან გამიხარდა. 7 ივლისს მოვიდა მანქანა და მიმიყვანეს სერგოსთან. პეტრე, დღეს სოსო გვაპატივებს სადილადო. მე მადლობა გადაგიხადე. შემდეგ მან გამოსწია თავის მაგიდის უჯრა და ამოიღო ბროლის შუშაზე გადაღებული სოსოს სურათი და მომცა. აი, პეტრე ეს შენ, სახსოვრადო (ეს ყველაზე მეტი საჩუქარი იყო ჩემთვის). რამდენიმე ხნის შემდეგ ჩავსხედით ავტომობილში და წავედით ქალაქგარეთ – აგარაკზე ამხანაგ სტალინთან. დაგვინახა თუ არა სოსომ, მოგვეგება მხიარული სახით. გამომიტხრა ჩემი მღვთმარობის შესახებ. მოვიგონე ბევრი რამ ჩვენი წარსულის ცხოვრებიდან. სერგოც ძალიან კარგ გუნებაზე იყო. სადილი გაშალეს კაცი წარმო ბაღში, დია ცის ქვეშ. სამი ვიყავით – ამხანაგი სტალინი, სერგო და მე. სოსომ მხიარულად ჩაატარა სადილი. სადილის გაშლის სოსომ მითხრა: პეტრე, მე და სერგო სხდომაზე მივედიართ, შენ ბაღში გაისვირნე, თუ მოგწონდა, წამოწვი და დაიბინე, მე როცა იქნება მოვალე. რაღა შეგაწუხო, შვილებთან წავალ – მეთქი (სიძე, ქალიშვილი და ორი ვაჟი მოსკოვში ცხოვრობენ) კარგი, ხვალ ხუთ საათზე გამოგზავნი მანქანას და ყველანი მოდი ჩემთან.

მიმიყვანეს ბინაზე და წავიდნენ, სახლში რომ შევედით, შვილები შემომესვენენ და დამიწყეს კითხვა, მართლა თუ ვნახე სტალინი, ვნახე და ხვალე ხუთ საათზე სადილად დაგვაპატივით-მეთქი. ეს არ დაიჯერეს, მეორე დღეს, 8 ივლისს, ხუთი საათი რომ შესრულდა ამხანაგ სტალინისგან მოვიდა კაცი და მითხრა, სხდომა გრძელდება და მანქანა მოვა 2 საათზეო. ამ დრო- საათის მოვიდა ამხანაგ სტალინისგან მანქანა. ჩავსხედით მე, ჩემი სიძე, ჩემი ქალიშვილი, ვაჟები და მოვედით ამხ-სტალინთან. თავახიანად მიიღო ჩემი შვილები, ესაუბრა მათ. ილაპარაკა ქართველ მწერლებზე, მოელი ლექცია წაიკითხა ქართულ ტომებზე, დაასახელა მათი ძველი მიწა-წყალი და ქალაქები, რომლებსაც დღესაც შენარჩუნებული აქვს ქართული სახელები. ილაპარაკა ჩვენს გლეხობაზე, მე ვუთხარი, რომ ქართველი გლეხი ახალგაზრდობა აღარ დაიარება

ქალამებით და ნაბდის ქუდით - ატარებს ევროპულ ტანისამოსს და ეწაფება სწავლას. ყოველ სოფელში სკოლაა. ათწლედს აღარ ჯერდებიან მეთქი.. პეტრე. მაშ, ჩვენი ქართველი გლეხი აღარ ხმარობს სიტყვას „ქალაღდს“? მიუბრუნდა ჩვენს შვილებს და უთხრა: წიგნს, წერილს, რვეულს ყველას ქალაღდს და ქართველი გლეხი. მე კი ვუმტკიცებდი, ეხლა აღარ უძახიან „ქალაღდს“-მეთქი.

არა, არ დაეჯერებ, მანამ ჩემი ყურით არ გავიგონებ, რომ წიგნს, წიგნს დაუძახებენ და არა „ქალაღდსო. აქაც ამხანაგი სტალინი მართალი გამოდგა. სწავლის დაწვევის წინ ხაშურის წიგნის მდახიასთან დიდი რიგი იდგა. ყიდულობდნენ სახელმძღვანელოებს, მეც იქ ვიდექი, მოვიდა სოფელი ჩემი ნათესავი კაცი და მითხრა: პეტრე, შვილი მივაბარე სკოლაში და იქნებ ქალაღდები გამომართვა. მე ვერ მივუდექი და უქაღაღად დიდ რას ისწავლისო. მომაგონდა ამხანაგ სტალინის ნათქვამი, რომ ჩვენი გლეხი ჯერაც ყოველგვარ წიგნს „ქალაღდს“ უძახისო. შემდეგ წავიყვანა ბაღში, გვანახა ნამყენი ვაშლები, შემდეგ კი მიგვიწვია სუფრაზე, გავადგვრებლდა ყველას სათითაოდ და თან საუბრით გვართობდა.

თორმეტი საათი იქნებოდა, მოვიდა სერგო თავისი ცოლით. სერგოს და მის ოჯახობას-ხიხას სასიამოვნოდ დარჩათ ჩვენი „კომპანია“. რამდენიმე ხნის შემდეგ სერგო მეუღლით გამოემშვიდობა სოსოს. ჩვენ კი სოსომ შეგვიყვანა, იმერული და სვანური სიმღერები დაეკრა პატეფონზე, არც ერთი სიმღერა არ დაუტოვია. მისი ვაჟი ვასო და ჩემი შვილი ალექსი ერთად ისხდნენ. ჩემი შვილი შევეკითხა, ქართულად ლაპარაკობთ თუ ვერაო. „ცოტა ვიცი, მამა მასწავლის ხოლმე, რომ შემეძლება, ჯავრობს“.

დამის უყვე ორი საათი შესრულდა. გამოვეშვიდობე და გამოვიტყუარა, მეტად კმაყოფილი დავრჩით ასეთი გულთბილი შეხვედრით.

ხაშურის მხარეთმცოდნეობის მუზეუმში, რესპუბლიკის დამსახურებული მასწავლებლის გიორგი ტაბატაძის პირად არქივში ინახება პეტრე კაპანაძის ორი წერილი.

1933 წლის იანვარ-თებერვალში პეტრე კაპანაძე კვლავ მოსკოვშია სტალინთან. „მიმდინარე წლის იანვარ-თებერვალში მასთან (ი. სტალინთან-თლ), ოჯახში, სტუმრობაში გავატარე, დიდი პატივი მცეს“ - იგონებდა პეტრე. აკად. კორნელი კეკელიძეს ფონდში დაცულია ხელნაწერთა ეროვნულ ცენტრში რამდენიმე წერილი იპყრობს ყურადღებას, რომელიც ი. სტალინს შეეხება. მიხეილ (მიხაკო) ელიზბარაშვილს 1938 წლის 4 ივნისს ხაშურში მცხოვრები და სურამში ბუღალტრად მომუშავე შაქრო ხვალაძეა წერილი:

„...უსათუოდ უნდა ვინახულო ის არე-მარე (თბილისი-ბ.დ), სადაც ცხოვრების საუკეთესო წლები გავატარე. როგორც შენ იყრები, მართალია, მიიმე მღვთმარობა იყო შექმნილი, მაგრამ მოწაფეობის თავისებური კარგი მხარებიც ჰქონდა, რომლებსაც მაშინ ჩვენ ვერ ვამჩნევდით. ჩვენი კურსი, რომელიც ყოველმხრივ მძლავრი იყო და რომლისთანაც შემდეგ თბილისის სემინარიას არ ახსოვს. მართალია სხვადასხვა მიზეზებით ჩვენ ჩამოვრჩით, მაგრამ სამაგიეროდ ჩვენი კურსიდან ისეთი ისტორიული პიროვნება მოვედინა კაცობრიობას, რომლითაც ჩვენ უნდა ვიამაყოთ. მასხოვს ჩვენი ქართული ხორ, სოსო წერილია ტენორი, სიმღერა ონხხიანი „შევსვათ ხელადით ღვინო“ და სხვები. ასე მგონია, რომ მივივინებ, გუშინ იყო ეს ყველაფერი-მეთქი. ჩვენმა სემინარიამ (...) ბევრი საზოგადო მოღვაწე მისცა ხალხს. კორნელი კეკელიძეც ხომ გახსოვს, ახლა რომ პროფესორია.

(...) ჩვენი ამხანაგობა აქ ბევრი არავინ არის. პეტრე კაპანაძე არის, კარგად ცხოვრობს. სოსომ ძალიან დახმარება გაუწია ფულით და უმეტესად კი ისე ასწია მისი ავტობიოგრაფი, რომ ახლა ყველა ანგარიშს უწევს, ბურასთან ისე შედის, როგორც თავის სახლში. თბილისში ბინა მისცა, მაგრამ თვითონ არ წავიდა, შვილს დაუთმო თბილისის ბინა...“

ი. სტალინის მიერ თანაკურსელ პეტრე (პეტრე) კაპანაძისადმი პატივისცემის შესახებ შაქრო 1939 წლის 6 აპრილს იმავე მიხეილს ატყობინებს: „ამ ორი დღის წინეთ ვნახე პეტრე. მოსკოვიდან მარტის გასულს ჩამოვიდა. ორი თვე იყო მოსკოვში, თითონ სოსომ დაიბარა. იქედან კაცი ჩამოვიდა და წაიყვანა. მისი მოგზაურობის მიზანი ჩვენთვისაც საიდუმლოა...“

თმის პერიოდში ი. სტალინთან შეხვედრის კიდევ ერთი ეპიზოდი გადმოცემული გიორგი ტაბატაძისადმი გავგზავნილ წერილში. ამ დროს გ. ტაბატაძე ფრონტზეა, ეს წერილი დიდი იმედის ჩამსახველი უნდა ყოფილიყო მისთვის და არამარტო მისთვის.

წერილი 1944 წლის 16 მარტითაა დათარიღებული. „ჩემო ძვირფასო და სასურველ გიორგი! - კეთილშობილ წერილში, - სიყვარულით მოგიკითხავ, გისურვებ ყოველივე სიკეთეს, გაგიმარჯოთ წითელ-არმიელებს, რომ მიერეკებით და ანადგურებთ კაცობრიობის დაუძინებელ მტერს-გერმანულ ფაშისტებს. უსათუოდ მალე გავიგონებთ, რომ მტერი საბოლოოდ განადგურებულიაო.

გოგი! თქვენები - კარლთი კარგად არიან. მამაშენი ძალიან სწუსს, თანაც მოხუცდა, შენი წერილი მიველე იმ დროს, როდესაც გზას ვადეკი მოსკოვისაკენ გამგზავრებული. მოსკოვში გამომიძახა ჩემმა სიყრმის მეგობარმა სოსომ, ენაცვალოს მას ჩემი სიყრმე... იცოდე გოგი! ძალზე მაგარად და კარგადაა საქმე, თორემ რა დროს ჩემი მოლონება იყო. დაბრუნებისას მოგწერ კიდევ, სალაბო და გამარჯვება. შენი პეტრე კაპანაძე.

პროფ. გურამ შენგელია იგონებს: „ქალაქ ხაშურის მეკიდრი ძველი პედაგოგებიდან კარგად დამამახსოვრდნენ ბესარიონ მენაძე და პეტრე კაპანაძე, რომელიც ხაშურში ჩემი მოწაფეობის პერიოდში სკოლის დირექტორად მუშაობდა. საზოგადოებრიობა განსაკუთრებულ პატივისცემას გამოხატავდა მათ მიმართ. პირველ-კლასიელ ფრიადლოს მოსწავლეს ბატონმა პეტრემ პირადად გადმომცა მის მიერ ხელმოწერილი ქების სიგელი. სიმპატიური გარეგნობის დირექტორი გამოირჩეოდა კეთილგანწყობით, გულისხმიერებით, ჭკუშარიტი მოძღვრისათვის დამახასიათებელი თვისებებით. იყო

(დასასრული IV გვერდზე)



(დასასრული)

იოსებ სტალინის უახლოესი მეგობარი გორის სასულიერო სასწავლებლიდან. მისი მოწვევების პერიოდს უძღვნა განმაურებული წიგნი „ბელადის ბავშვობა და ყრობა.“ თავად სტალინის განსაკუთრებული დამოკიდებულება პეტრესადმი (ასე მიმართავდა პეტრეს ი. სტალინი. - გ.შ.) მკაფიოდ ჩანს მათი მიმოწერიდანაც, ბელადი გამოეხმაურა სიყრმის მეგობრის თხოვნას. სახლის მშენებლობასთან დაკავშირებით ფინანსური დახმარების გაწვევის თაობაზე, გთავაზობთ პეტრე კაპანაძისადმი საზოგადოებისათვის ნაკლებად ცნობილ დეპეშის და წერილის ქსეროასტებს, რომლებშიც ვკითხულობთ:

„ელვა. საქართველო, სადგური ხაშური, სახალხო მასწავლებელს. პეტრე კაპანაძეს. შენი წერილი გადმომცეს გვიან საღამოს, ორი თვის დაგვიანებით. შენი თხოვნა შესრულებული იქნება. საღამო, „სტალინი“

ქართულ ენაზე დაწერილ მოკლე წერილში ი. სტალინი მეგობარს სწერდა: „პეტრე გაუმარჯოს! ჩემი დეპეშა, როგორც ჩანს, მივიღე. გიგზავნი ორი ათას მანეთს. მეტი არა მაქვს, ეს ფული ჩემი პონორარია. ჩვენ აქ პონორარს არ ვიღებთ საზოგადოდ – მხოლოდ განსაკუთრებულ შემთხვევაში ვიღებთ ხანდახან. შენი გაჭირვება ჩემთვის განსაკუთრებული შემთხვევაა და ამიტომ ავიღე პონორარია, რომ შენთვის გამოვიყენო. გარდა ამ ფულისა, შენ ხად 3000 მანეთს. მე ვუთხარი ამის შესახებ სამხარეო კომიტეტის მდივანს და იმან სიტყვა მომცა – უუჭველად აღვასრულებო. მაშ ასე, 2000 მანეთი მიიღე ისე, როგორც ჩემი მეგობრული ნობათი და 3000 მანეთი, როგორც სესხი. იცოცხლე მრავალ ჟამიერო, შენი სოსო. 7. 12. 33 წელი“. ამაგმობდილი პედაგოგი პეტრე კაპანაძე, რომელმაც გარკვეული წვლილი შეიტანა ქალაქ ხაშურში და ასევე რეგიონში სახალხო განათლების განვითარებაში, დაკრძალულია ხაშურში, ვგრეთ წოდებულ ძველ სასაფლაოზე, ეკლესიის მახლობლად დაკრძალვას მეც ვესწრებოდი. მახსოვს, გარდაცვლილის სახელზე მოსულ დეპეშებს შორის იყო იოსებ სტალინის დეპეშაც.“

სიყრმის მეგობარი პეტრე კაპანაძისთვისაც დიდი ბელადი, მამა და მასწავლებელი იყო, თუმცა მეგობარი, როგორც ამას თავად პეტრე აღნიშნავს, მას ამას არასოდეს აგრძობინებდა.

„ჩვენ დიდი ბელადი, მამა, მასწავლებელი და მეგობარი ისევე ის თავდაბალი, უბრალო, გულწრფელი, კაცობიერად, თავაზიანი, როგორც ბავშვობაში იყო და ახლაც არ გაგრძობინებებს, რომ ის ბელადია.“

დიდი ბელადი, მამა, მასწავლებელი და მეგობარი... ასეთად დარჩა პეტრე კაპანაძისათვის სიყრმის მეგობარი-სოსო ჯუღაშვილი სიცოცხლის ბოლომდე, იოსებ სტალინის სახელით რომ იცნობდა მსოფლიო.

ასე სწამდა და სჯეროდა სახალისო მასწავლებელს, რწმენას კი ვერაფერს და ვერაფერი შეაცვლევინებდა, რადგან მის თვალწინ ჩაველო ერთი უბრალო ოჯახიდან

გამოსული პატარა სოსოს (სოსელოს) აღზევებას. ბევრი რამ უცნობია მათი შეხვედრებიდან, ან რას იხსენებდნენ და ან რაზე საუბრობდნენ როცა განცალკევდებოდნენ, როცა სხვებისაგან მარტო რჩებოდნენ. რას გრძობდა პეტრე, ან რამდენად გულახდილი იყო მასთან ბელადი, ან თავად პეტრე რა დოზით იხენდა გულახდილობას, როგორ იხსენებოდა ბელადთან. ერთი რამ მაინც შეიძლება ითქვას, მათ ურთიერთობას გულახდილობა რომ არ აკლდა კარგად იგრძობა ბელადის სიტყვებიდან, რომლის შემონახვასაც პეტრეს მიაწერენ. ეს სიტყვებია: ჩემს საფლავს ბევრ ნაგავს მიაყრინა, მაგრამ ისტორიის ქარი დაუნდობლად გაფანტავს მას.

პეტრე კაპანაძე გარდაცვალა 1949 წლის ივნისში. იმ დღეებში ხაშურში გავრცელდა ხმა, რომ იოსებ სტალინი საოცარი ინ-

ჩამოვიდოდა მეგობრის დაკრძალვაზე. ხაშურლები ტერესით ელოდნენ ბელადის ჩამოსვლას... მაგრამ ისე დაიკრძალა პეტრე კაპანაძე, რომ სტალინი ხაშურში არ ჩამოსულა. ალბათ, ეს შეუძლებელი იყო, უბრალოდ, ხაშურლებს ქონდათ სურვილი ბელადი ეხილათ მეგობრის დაკრძალვაზე, თუმცა მათი სურვილის ასრულება შეუძლებელი იყო... იოსებ სტალინი ხაშურში, ბორჯომის ქუჩაზე

მართლაც, გაჩერდა, როცა ის ბორჯომში იხვეწებდა 1951 წელს, გამოეკვლია პატარა ბავშვებს... მისი შვილიშვილი ევეგენი ჯუღაშვილი იგონებს: „მისი (სტალინის - თლ)

გორში გამგზავრების შესახებ იცოდა ბორჯომისა და ხაშურის ბევრმა მცხოვრებმა. ერთ-ერთმა ხაშურელმა მამამ, რომ სტალინმა გორის გზაზე, სოფელ ოსიაურთან, გააჩერებინა მანქანა. სუფრა ტყეში გაშალეს. წახემსების შემდეგ, სტალინმა ჩიბუხს მოუკიდა და ასანთი მაგიდაზე დატოვა. როდესაც მანქანები გაემგზავრენ, ამ გლემსა აიღო ეს ასანთი და მთელი ცხოვრება „ოქროს სუვენირივით“ ინახავდა“.

P.S. 2014 წლის გამოზაფხულზე გორიდან მომავლად მუხუ-უმში. პეტრე კაპანაძის საფლავი აინტერესებდათ. აველით გორათზე, რატომღაც მეგონა, ადვილად მივაგნებდი საფლავს. გორელებს ყვავილები და შამანიური წამოვლით, ჭიჭი-ის წაქცევა უნდოდათ თავიანთი დიდი თანამემამულის მეგობრის საფლავზე. ბევრი ვეძებთ საფლავს, მაგრამ ამაოდ. მერე პეტრეს სამეზობლოში ჩამოვედი, აქაც ვერაფერი გვიხსენებს. ის თაობა, რომელსაც უნდა სცოდნოდა, აღარ იყო. დავეკავშირდით სხვა ხაშურლებსაც, მაგრამ... შემდეგ პეტრეს შთამომავლებს თბილისში, დაგვიდასტურეს, რომ გორათზე დაკრძალული, აუცილებლად გვიხსენებენ საფლავს, როცა ხაშურში იქნებოდა, თუმცა, ახლო ხანში ვერ ახერხებენ ჩამოსვლას.

ჩვენ მაინც გავაგრძელეთ დამოუკიდებლად ძიება, ხანად მხოლოდ ის გავარკვეით, რომ იგი დაკრძალულია გორათის სამხრეთ ფერდობზე... მერე აღმოსავლეთის ფერდობზე მივგაითეთეს. აველით მოსაძებნად, მაგრამ ამჯერადაც ხელმოცარულები დავრჩით... იმედია, ახლო მომავალში მაინც მივაგნებთ სტალინის სიყრმის მეგობრის განსასვენებელს.

თამაზ ლაცაბიძე

პეტრე კაპანაძე - სტალინის ხაშურელი მეგობარი

(დასასრული)

გიორგი გურასპაშვილი: (ხაშურის მუნიციპალიტეტის გამგებელი) დღეს, ხაშურში მნიშვნელოვან საქმეს ჩაეყარა ბაზისი, რომელიც ქალაქის იერსახეზე ზრუნვისთვის გადაღებული კიდევ ერთი მნიშვნელოვანი ნაბიჯი იქნება. ლიტვის საელჩოს უამრავი სასიკეთო საქმე აქვს ხაშურის მუნიციპალიტეტისათვის გაკეთებული: რამდენიმე სკვერი, ბიბლიოთეკის პროექტები, ავტობუსის გაჩერების კეთილმოწყობა და ა.შ. პირადად ლიტვის ელჩმა გიედრიუს პოუჯუნასმა გადაწყვიტა, სწორედ აქ, ყოფილი აგურის ქარხნის ტერიტორიაზე, დასასვენებელი პარკის მოწყობა, რომელიც მნიშვნელოვანი, რეკრეაციული ზონა იქნება როგორც უშუალოდ უბნის მაცხოვრებლებისათვის, ასევე მთლიანად ქალაქისათვის და მომავალი თაობისათვის. დაახლოებით ერთი წელია ვმუშაობთ ამ საკითხზე და აღვნიშნავ, რომ პარკი ფუნქციურადაც დატვირთული იქნება,

რუნთ ქალაქის გარემოს გამჯობესებისათვის. დიანა გელაშვილი (პროექტის კოორდინატორი): დღეს საფუძველი ეყრება ჩვენი ქალაქისთვის მეტად მნიშვნელოვან საქმეს, საკმაოდ მძლავრი პროექტია ტერიტორიიდან გამომდინარე, თქვენც ხედავთ, საკმაოდ დიდი ფართობია. დღეს პირველი ნაბიჯი გადაიდგა, დასუფთავდა აღნიშნული ტერიტორია ეტაპობრივად კი დასრულებულ სახეს მიიღებს. 2018 წელს, საქართველო და ასევე ლიტვაც დამოუკიდებლობის აღ-

ლიტვის საელჩოს საჩუქარი - ხაშურს კიდევ ერთი დასასვენებელი პარკი შეემატება

დგენის 100 წლისთავს ზემოთს, ამ დღესთან დაკავშირებით, სიმბოლურად, ლიტვის საელჩოს ფინანსური დახმარებით და ხაშურის მუნიციპალიტეტის თანადგომით, ქალაქს ექნება ახალი დასასვენებელი პარკი.

ინგა გრიგალაშვილი (ჭალის უბნის მცხოვრები): დიდი სიამოვნებით ვიღებ დღევანდელ დასუფთავების აქციაში მონაწილეობას. წლების განმავლობაში ეს ადგილი ნაგავსაყრედ და ცხოველების საძოვრად იყო ქცეული, შესაბამისად, მივესალმებით თუ ეს მდგომარეობა ძირფესვიანად შეიცვლება და ამ ადგილას დასასვენებელი პარკი გაშენდება. ასევე სასიხარულოა რომ სექტემბრიდან საბავშვო ბაღი დაიწყებს ფუნქციონირებას, წლების განმავლობაში ბაღი არ არსებობდა ახლომახლო ტერიტორიაზე და ახალი სასწავლო წლიდან ესეც გვექნება. დღეს, ჩემი ორი შვილით ვარ მოსული და სამივე ერთიანი ძალებით ვასუფთავებთ გარემოს, ეს ყველაფერი ხომ ჩვენი შვილებისათვის და მომავალი თაობისათვის კეთდება.

დასუფთავების აქცია გამგობის მიმდებარე ტერიტორიაზე გამწვანების აქციით გაგრძელდა. აქციის ფარგლებში წმინდა დიმიტრი ყიფიანის მოედნის მიმდებარედ დაირგო 20 ძირი ბუჩა და 7 ძირი ვერცხლისფერი ნაძვი, რომელიც მუნიციპალიტეტს გარემოს დაცვის სამინისტრომ მოაწოდა.

ხათუნა ჩარკვიანი (არასამთავრობო ორგანიზაციის „ქალთა დანადგომა მშვიდობისათვის“ პარტნიორი სახელმწიფო სტრუქტურებში)-ხაშურის მუნიციპალიტეტის გამგებლის გიორგი გურასპაშვილის, ქალთა ორგანიზაციის „ქალთა თანადგომა მშვიდობისათვის“, საქართველოს საპარტიო-საპარტიო ფონდის „გამაშვანე საქართველო“ ერთობლივი ინიციატივით გადაწყდა რამდენიმე აქტივობის განხორციელება ხაშურში. რაც შეეხება გამწვანების აქციას, საპარტიო-საპარტიო ფონდმა ჩამოიტანა 40 ძირი ალვის და 40 ძირი ნეკერჩლის ხის ძირები, რომელიც უახლოეს პერიოდში, სოფელ ტეზრის მიმდებარედ, ქარსაცავ ზოლში დაირგება. ასევე დაიგეგმა საქველმოქმედო აქცია, ინდოელმა მეცენატმა დარპარ პრაშერმა ჰუმანიტარული ტვირთი ჩამოიტანა ინდოეთიდან, რომელიც დაურიგდება 140 სოციალურად დაუცველ და მრავალშვილიან ოჯახს, დევნილებს.

დღევანდელი დღის დასკვნით ეტაპზე „მარათონი 2017-ხაშური“ გაიმართა, რომელშიც რეგისტრაცია დაახლოებით 150 მსურველმა გაიარა. მარათონმა სტარტი ტაბიძის ქუჩისა და წმინდა დიმიტრი ყიფიანის მოედნის გადაკვეთის ადგილას აიღო და ზემო სერის მიმდებარე ტერიტორიაზე დასრულდა. რბოლაში პირველ, მეორე და მესამე ადგილებზე გასულ მონაწილეებს, როგორც ვაუჩებს, ისე გოგონებს შორის, თასები, მედლები და სიგელები გადაეცათ. ზემო სერზე მარათონელები, გასართობი აქტივობებითა და ახალგაზრდული თამაშებით დაკავდნენ.

თ.ახალკაცი



სამომავლოდ მრავალი დღესასწაული და ღონისძიება დაიგეგმება. უდრმესი მადლობა ლიტვის საელჩოს და ბატონ ელჩს ამ სასიკეთო საქმის განხორციელებისათვის და აქ მყოფ თითოეულ ადამიანს დასუფთავების აქციაში მონაწილეობისათვის, მათი თანადგომა ნამდვილად დასაფასებელია.

გიედრიუს პოუჯუნასი (ლიტვის სრულფუნქციონირების და საგანგებო ელჩი საქართველოში): მომავალ წელს აღინიშნება საქართველოსა და ლიტვის დამოუკიდებლობის აღდგენის ასი წლისთავი. ამ დღესთან დაკავშირებით, ვიქრობდით



თუ რისი გაკეთება შეიძლებოდა საქართველოსათვის ჩვენი მრავალწლიანი მეგობრობის გამო და გადავწყვიტეთ, ამ ადგილას მოვაწყოთ დასასვენებელი პარკი. დიდი საქმეები პატარა საქმეებით იწყება, თქვენი თანადგომით, დღეს, ეს ადგილი ნაგვისაგან და ნარჩენებისაგან გაიწმინდება, და ერთი წლის თავზე, ეს ადგილი სრულიად შეცვლილი იერსახით იქნება. დღეს კი გავაერთიანოთ ძალები და ერთად ვიზ-



ვაქცინები მოქმედებს! აცერი და დაიცავი!

24-30 აპრილი საქართველოში ევროპის იმუნიზაციის კვირულად გამოცხადდა, რომელშიც ჩვენი მუნიციპალიტეტიც ჩაერთო. ხაშურის საზოგადოებრივი ჯანდაცვის ცენტრის წარმომადგენლებმა, კვირულის ფარგლებში, სადმზრდელ დაწესებულებების ხელმძღვანელებთან და სამედიცინო პერსონალთან საინფორმაციო შეხვედრა გამართეს.

დაავით ჩიქოვანი (საზოგადოებრივი ჯანდაცვის ცენტრის ხელმძღვანელი)-შეხვედრაზე ნათლად აღინიშნა თუ რაოდენ მნიშვნელოვანია იმუნიზაცია ადამიანისათვის, სიცოცხლის ყველა ეტაპზე. მათ უნდა გააცნობიერონ, რომ აცრების დროულად და სრულად ჩატარება აუცილებელია, რათა დაიცვან საკუთარი და გარშემოყოფების ჯანმრთელობა. ვაქცინაცია თანაბრად ხელმისაწვდომია ყველასათვის და გათვლილია დაახლოებით 5 ათას ბავშვზე. ვაქცინაცია ჩატარდება 14 დაავადების პრევენციის მიზნით. ხაშურის საზოგადოებრივი ჯანდაცვის ცენტრი მოგიწოდებთ დაიცვათ თქვენი შვილების ჯანმრთელობა და დროულად ჩაუტაროთ ყველა გეგმიური აცრა.

ევროპის იმუნიზაციის კვირულს კორდინაციას ჯანმრთელობის მსოფლიო ორგანიზაცია უწევს. კვირულის ღონისძიებებია: პრევენცია, დაცვა და იმუნიზაცია. კვირულის ფარგლებში ტარდება შეხვედრები სამიზნე აუდიტორიასთან, რათა გადაიტარას იმუნიზაციასთან დაკავშირებული პრობლემები. ევროპის იმუნიზაციის კვირული უკვე 25 წელია აქტიურადაა ჩართული ამ სექტორის კვლევაში და ბოლო 10 წელია მას საქართველოც შეუერთდა.



- ვერნისაჟი - საინტერესო ბამოფენა

25 აპრილს, ხაშურის მხარეთმცოდნეობის მუზეუმში, ხაშურელი მხატვრის, გელა გელაშვილის ნამუშევრების გამოფენა მოეწყო. „ხაშურის მოამბე“, მოხარულია, რომ ჩვენ, აღმოვჩინდით იმ წინამორბედთა შორის, რომელთა საშუალებითაც, ასეთი თვითნაბადი და ნიჭიერი მხატვარი უფრო ფართო საზოგადოებამ გაიცნო და რომლის ჩრდილში ყოფნაც, უდავოდ, დანაშაული იქნებოდა.

გელა გელაშვილი (მხატვარი): ჩემი ნამუშევრების პერსონალური გამოფენა უდიდესი პატივია ჩემთვის. უდრმესი მადლობა მინდა გადავუხადო ხაშურის მუნიციპალიტეტის კულტურის, სპორტის და განათლების სამსახურს, რომელთა უშუალო დაფინანსებით და ხელშეწყობით მოეწყო გამოფენა და

დღის სინათლე იხილა ჩემმა ნახატებმა. მადლობა ასევე ყველა აქ მყოფთა მობრძანებისთვის და მათაც, ვინც თბილი სიტყვები არ დაიშურა ჩემი და ჩემი შემოქმედების მიმართ.

გამოფენის პირველი დღე, ნამდვილად, ხალხმრავლობით გამოირჩეოდა, ხელოვნებით დაინტერესებულ ადამიანებთან და პროფესიონალ მხატვრებთან ერთად გამოფენაზე სკოლის მოსწავლეებიც იმყოფებოდნენ, ხელოვნების მასწავლებლებთან ერთად ვიმედოვნებთ, მომდევნო დღეებშიც ასე გაგრძელდება. უფრო მეტი და მეტი გაიცნობს ამ თვითმყოფად მხატვარს. გამოფენაზე მხატვრის 53 ნამუშევრი იყო წარმოდგენილი, რომელიც დამოვალდებულს 5 მაისამდე ელოდება. ბატონ გელას წარმატებასა და პროფესიული წიაღსვლების სიუხვეს ვუსურვებთ.



გააცოცხლეს სუამის ციხის ლეგენდა

24 აპრილს, ხაშურის მხარეთმცოდნეობის მუზეუმში, სუამის პირველი საჯარო სკოლის მეცხრე კლასის მოსწავლეებმა (პედაგოგი ირინა სალამიძე) წარმოადგინეს სპექტაკლი „სუამის ციხის ლეგენდის გაცოცხლება“, სპექტაკლის შემდეგ, ხაშურის სამუზეუმო გაერთიანების მმართველმა თამაზ ლაცაბიძემ წაიკითხა ლექცია თემაზე „სუამის ციხე“.

ღონისძიებას ესწრებოდნენ წარმომადგენლები მუნიციპალიტეტიდან და დაინტერესებული პირები.



ცესკო ამომრჩევლებს ხვდება

ყველას კარგად მოგვესვენება მოახლოებული თვითმმართველობის ორგანოს არჩევნების მნიშვნელობა. მოსახლეობას შესაძლებლობა ეძლევა 4 წლის ვადით აირჩიოს ადგილობრივი ხელისუფლება, რომელიც მუნიციპალიტეტში არსებული პრობლემების მოგვარების პასუხისმგებლობას აიღებს. თემის აქტუალობიდან გამომდინარე, ცესკო რეგიონებში მართავს საინფორმაციო შეხვედრებს თემაზე „ვესაუბროთ ამომრჩევლებს“. აღნიშნულთან დაკავშირებით, 35-ე საოლქო საარჩევნო კომისიის ადმინისტრაციამ ხაშურის მოსახლეობას არჩევნების მოახლოება შეახსენა და მათი უფლებების შესახებ მიაწოდა ინფორმაცია.



დასასვენებელი პარკები ლამაზდება

ხაშურის კულტურისა და დასვენების პარკის გაღამაზებაზე ტრადიციულად ზრუნავს მუნიციპალიტეტის ა(ა)იპ „საგანე“. ამჯერად მიმდინარეობს სამდებრო სამუშაოები, უკვე დამონტაჟდა ბეტონის საყვავილეები, სადაც უახლოეს ხანებში უღამაზესი ბეგონიები, ტაგეტესი და სალვია დაირგება. ა(ა)იპ-ის თანამშრომლების თქმით, წელსაც მუნიციპალიტეტის მასშტაბით, 60 000-მდე ყვავილის დარგვაა გათვალისწინებული და პროცესი უახლოეს ხანებში დაიწყება.

- კვდავ მფრინავი ჰამაყის შესახებ - ჰობლა, ჩვენ ამერიკელები ვყოფილ- ვართ!..

ჩემი გენეალოგიის კვლევას წლები შევაღივ. ჩემს წინ 10 თაობას მივწვდი, ვიცი ბაბუის ბაბუის ბაბუის ბაბუის ბაბუის სახელი და იქიდან დაწყებული გენეტიკური ხის განშტოებები, და აგერ, ყველაფერი რომ მეგონა შევისწავლე, როგორც დინჯი იმერელი იტყოდა: - რავა გეკადრება, ბატონო, ისე ყოფილა ჩემი საქმე. ამდენი ხნის „მეცნიერული“ კვლევებიც წყალში ჩამეყარა და ტყუილი შრომა და ჯაფაც შემჩნა! არა, ეჭვი კი მღრღნიდა მუდამ, რომ ჩემში იყო რაღაც ანტიკური და უცხო, მაგრამ მთლად პიტალო ამერიკელი



თუ ვიყავი, ამას მე კი არა, ლელაია კაკულიაც ვერ იტყოდა დაბუჯითებით. არადა, ფაქტს ვერ გაექცევი! მივეყვით დაწვრილებით: ამ მფრინავმა ჰამაყმა, რომელმაც, მეგონა, მხოლოდ საქართველო გადარია, რა საქართველო, მსოფლიო მოიარა და „ინსტაგრამის“, „ტვიტერის“ და „ფეისბუქის“ კვირის პიტად იქცა. სამ დღეში 30 მილიონი ნახვა დააგროვა. წარმოგიდგენიათ რა ციფრზეა

საუბარი? 30 მილიონი! შეიძლება გადაირო კაცი! ახლა, ადამიანთა ამ უზარმაზარმა მასამ, იმის გაგება მოინდომა, სადაა ეს ქალაქი ხაშური, სადაც ადამიანები ჰამაკით დაფრინავენ. მსოფლიო სოციალური ქსელებიც რა იმის ჩიტები არიან, რომ ამაზე პასუხი უზუსტესად არ გაეცათ? ჰოდა, ყველას დაუკმაყოფილეს ცნობისმოყვარეობა და 30 მილიონ კაცს აცნობეს: ხაშური - ესაა პატარა ქალაქი ამერიკაში, ჯორჯიის შტატში. გენაცვალე, სოციალურ ქსელებო, გენაცვალე „ტვიტერო“ თუ „ინსტაგრამო“, კაცები თქვენ ყოფილხართ! რა საქართველო, რის საქართველო, ვის დაკარგვია ეს ქვეყანა? ხაშურელები აგერ, ამერიკელები ვყოფილვართ! ჩვენს მთავრობას რა ვუთხარი, ვინ დაიჯერებს იმას, რომ მთავრობაში ეს არ იცოდნენ? იცოდნენ, მშვენივრად იცოდნენ, მაგრამ გვიმაღლავდნენ. არ უნდოდათ, რომ ეს სამოთხე დაეკარგათ, მაგრამ ერთხელ მაინც ჩაეხედათ ბიბლიაში და ნახა-

ვდნენ, რომ ტყუილად გაისარჯნენ, რადგან „არა არს არაფერი დამალული, რომელიც არ განცხადდეს“. ახლა კი მივმართავ ჩვენს ნაღვ მთავრობას (რადგან ამერიკელები ვართ, ჩვენი მთავრობაც ვაშინგტონშია) და პრეზიდენტს: - თქვენო აღმატებულობავ, ბატონო პრეზიდენტო! ამერიკის შექმნის შემდეგ 300 წელი გავიდა და ჩვენ, ხაშურელები, ეს სამი საუკუნე, ქვეყნის ინტერესების გამო, სრულ კონსპირაციაში ვართ. კრინტიც არ დაგვიძრავს ჩვენი წარმომავლობის გამო. ოღონდ ჩვენი სამშობლო - აშშ - ყოფილიყო კარგად და ათასი გაჭირვება გადავიტანეთ ამ ვიდაც ქართველებთან ერთად. რადგან ყველაფერი გაცხადდა, ვფიქრობთ, აზრი ეკარგება მომავალ კონსპირაციას და მოვითხოვთ დროულად დაგვაბრუნონ დედამამშობლოში. თუმცა, ამერიკული გული მაინც არ შეება, რომ ბევრი გაწვავლოთ და გვინდა, რაღაც ბიუროკრატიული ხლაფორთი აგარიდოთ თავიდან. ბევრზე ფიქრს მოეშვით, ჩვენ მთელი ქალაქის მოსახლეობის სიას გაახლებთ და თქვენ მხოლოდ მოქალაქეობა მოგვანიჭეთ თითოეულს და პასპორტები გამოგვიგზავნეთ. დანარჩენს ჩვენ მივხედავთ! იმედი გვაქვს, სულ ჩქარა დაფიქრდებით მშობლიურ წიადს! პატივისცემით, ხაშურელები - ნაღვი ჯორჯიელები.



ესეც ასე! არ ამოვისუნთქე კაცმა?! აწი, სულაც აღარ მაინტერესებს, რას უზამენ საქართველოს კონსტიტუციას, როგორ დამთავრდება ადგილობრივი არჩევნები, ხალხი აირჩევს თუ პარლამენტი პრეზიდენტს და სხვა მსგავსი ქართული უბედურებები. ან რაში უნდა გვანიტერესებდეს ჩვენ, ხაშურელებს, უცხო ქვეყნის პოლიტიკური ამბები? ჩვენ ჩვენი ჯორჯიული ინფორმაციებიც გვეყოფა.

P.S. ვიდრე გაზეთი დასაბუჯდად გამზადდებოდა, მფრინავი ხაშურელის მნახველთა რიცხვი 35 მილიონს მიუახლოვდა. ახლა უკვე 35 მილიონი კაცია დარწმუნებული, რომ ხაშური ამერიკაა და ჯორჯიის შტატში მდებარეობს. თუ კიდევ დარჩა ვინმე, რომ ამაში ეჭვი ეპარება, ვისაც გვეჯერა, გვაცალეთ და გაგვატარეთ, ბატონო!

სურათზე: (მარცხნივ) ჯორჯიის დედაქალაქი ატლანტა, საიდანაც, ასე, 120 კილომეტრში, ხაშური მდებარეობს.

გ. გოგოლაძე



საგუნდო კოლექტივებმა საანგარიშო კონცერტი გამართეს

ხაშურის სამუსიკო სკოლაში, ერთგვარი საანგარიშო კონცერტი გაიმართა, სადაც სხვადასხვა საგუნდო კოლექტივებმა თავიანთი შემოქმედება წარმოადგინეს. სადამოს ხელმძღვანელობდა მუსიკის პედაგოგი ლიანა ტატიშვილი.

აღსანიშნავია, რომ ადგილობრივ მსმენელთან ერთად, კონცერტს ესწრებოდა შევიცარიის ქალაქ ბაზელიდან, კონსერვატორიის პროფესორი მარკ გუთთუბი. უცხოელმა სტუმარმა ხაშურელი ნორჩი მუსიკოსების მიერ შესრულებულ ნაწარმოებებს მაღალი შეფასება მისცა და სამომავლოდ უფრო ღრმა თანამშრომლობის სურვილი გამოთქვა.

შოთა ნოზაძე ოჯახით იუწყება, რომ გარდაიცვალა **გრედი თიკანაშვილი** და თანაგრძნობას უცხადებს განსვენებულის ოჯახს.

ა(ა)იპ ხაშურის სკოლამდელი აღზრდის დაწესებულებების-საბავშვო ბაღების გაერთიანების თანამშრომლები სამიძიარს უცხადებენ დავით ნოზაძეს ბაბუის **ნაყიდა ნოზაძის** გარდაცვალების გამო.

D - გრედი თიკანაშვილის ხსოვნას - შრომაში და სიკეთეში გატარებული ცხოვრება

ჩვენი სამშო მუხნარი საკმაოდ გამოიხშირა და ის ძალუმად ვეღარ შრი-ალეებს, როგორც ჩვეოდა. ამ დღეებში ყველაზე ფესვმაგარი და ფუძემგარი მუხა წაიქცა. დრომ და ცხოვრების სიავემ თავისი გაიტანა, ჩვენს შორის აღარ არის ადამიანური ხიბლითა და კეთილშობილებით აღსავსე ვაჟკაცი **გრედი თიკანაშვილი**, კაცი, რომელსაც უსახლეროდ უყვარდა სამშობლო და მშობლიური ხალხი. იგი იყო შესანიშნავი ენერგეტიკოსი და გამორჩეული სამეურნეო მუშაკი. გრედი იმდენად მაღალკვალიფიციური და გამორჩეული პიროვნება ბრძანდებოდა სისტემაში, რომ ენერგეტიკის სამინისტროს და შესაბამის ვეტერანთა კაფშირს მხედველობიდან არ გამორჩენიათ მისი დაბადების 85-ე წელი.



ამ თარიღთან დაკავშირებით იგი სამინისტროში მიიწვიეს და ბრწყინვალე შეხვედრა მოუწიეს, ბევრი გულთბილი და საქებარი სიტყვა ითქვა მის მიმართ, რითაც ჩვენი ძმა და მეგობარი ფრიად კმაყოფილი და აღფრთოვანებული იყო. მიუძღვნეს სპეციალური ადრესი, რომელსაც ხელს აწერს მინისტრი, მისი ყველა მოადგილე და სხვადასხვა ძირითადი სამსახურების პირველი პირები. ისინი გრედის გულწრფელად ულოცავენ დაბადების 85-ე წელს და ამ სისტემაში მოღვაწეობის 50 წლისთავს.

გრედის მიერ გავლილი ცხოვრებისეული გზა ნათელი მაგალითია იმისა თუ როგორ უნდა იცხოვროს და იმოდგაწო სამშობლოს, მშობლიური ხალხის და, საერთოდ, ქვეყნის საკეთილდღეოდ, იქვე ახალგაზრდობის, მომავალი თაობის მისაბამ მაგალითად.

თვალცრემლიანი გემშვიდობებით, ჩვენო სახელოვანო და შეუცვლელი მეგობარო! მსუბუქი იყოს შენთვის ხაშურის მადლიანი მიწა. სანთელი და ნათელი არ მოკლებოდეს შენს ხსოვნასა და სახელს.

უახლოესი მეგობრები

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.

D-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.